



# VARNĖ – seniausias Žemaitėjės dvasinis ir kultūrinis centras

PARĖNGĖ SUNGAILIENĖ LORETA.  
PORTĖGRAPĖJĖS AUTUORĖS IR  
MUKIENĖS DANUTĖS

Varniu panorama

Senuovie ėlga laika Varniu apīlinkies gīvena žemaitė ir kuršė.

1314 m pėrma karta pamėnavuots Medininku (dabar – Varniu) vards – P. Dusburgietė „Prūsijos žemės kronika“

Medininku vīskupėjė bova īkorta 1417 metās. Pėrmoujo Žemaitiu vīskupo 1417 m. spalė 24 d. bova konsekrouts Vilniaus katedras klėbuons Muotiejos iš Trakū (Muotiejos Trakiškis).

1416 m. pastatīta parapėnė Varniu šv. Aleksėndra bažnīcė (vėina iš pėrmūju bažnīčiu Žemaitėjuo).

1421 m. pastatīta Varniu katedra ir Vīskupa dvars, kanauninku kurėjės pastatā.

1469 m. Varniūs, pri katedras, bova isteigta vėina iš dvijū pėrmūju muokīklu dabartėnės Lie-

tovuos terėtuorėjuo (pėrmuoji pradiejė veiktė Vilniou)

1491 m. Varnems soteikta Kulmo savėvaldas teisė.

XVI omžiou Žemaitėjuo vīkosemė tēp vadėnamė ontrājemė Žemaitiu krėkštė, svarbiausi vaidmeni atlėka Žemaitiu vīskops Giedraitis Merkelis. Anuo paragints i lietoviu kalba išvertė ir pėrmoujė lietovėška knīnga Lietuovuos terėtuorėjuo išleida Daukša Mėkaluojos – („Katekizmas“, 1594 m.).

1622 m. Varniūs bova ikorta konėgū semėnarėjė.

1635 m. Varnems bova soteiktas Magdeburga teisės.

Pastatīta Varniu katedra. Pagrindinis fundatouorios bova Žemaitiu vīskops Pacos Kazėmiers.



Lejėms i Žemaitiu vīskupīstės muziejo

1725 m. bovosės senuosės katedras vėituo pastatīta Švč. Trejībės bažnīčė, vuo 1765–1770 metās vėituo tuos bažnīčės bova pastatīta konėgū semėnarėjė.

1774 m. perstatīta Varniu šv. Aleksėndra bažnīčė.

1790 m. Varnems bova soteikta atskėra prekībėnė privilegėjė.

1864 m. konėgū semėnarėjė iš Varniu bova perkelta i Kauna. Nu tuo laika Varniu reikšmie Žemaitėjės krašta dvasėnemė ėr kultūrėnemė gīvenėmė pradiejė mažietė.

1927 m. konėgs A. Juozapavīčė pasėrūpėna, ka miestelie, prīšās bovusi Žemaitiu vīskupa M. Valončiaus noma, būtom irėngts M. Valončiaus skvers. Tamė skverė stuov paminklos M. Valončiu, katros bova atstatīts 1990 metās.

1950 m. Varnems soteiktas miesta teisės.

1950–1960 m. Varnė bova Varniu rajuona cėntros.



Paminklos Žemaitiu vīskupou Giedraitiou Merkeliou ėr kanauninkou Daukšā Mėkaluojou Varniūs. Skulptuorios Sakalausks Arūns



Varniu skvers